



Број: Т18 0 КТ 0017533 24

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

ASMIRA SMAJIĆA rođen 1999. godine u Maoči [...]

Što je:

1. Dana 23.02.2024. godine u Brčkom, svjestan da je građanima zabranjeno nabavljanje i držanje radi prodaje supstanci koje su propisom proglašene opojnom drogom, suprotno odredbama članova 4., 19. i 20. Zakona o sprečavanju i suzbijanju zloupotrebe opojnih droga BiH (Službeni list BiH, broj 8/06, 13/08, 51/11), s ciljem pribavljanja protivpravne imovinske koristi, što je i htio, neovlašćeno nabavio i radi prodaje držao opojnu drogu „Cannabis Sativa L“ tzv. „marihuana“, koja je pod tačkom 13. na Listi opojnih droga u tabeli I - zabranjene tvari i biljke proglašena opojnom drogom, „Amfetamin Speed“ koji je pod rednim brojem 1. na Listi psihotropnih tvari u tabeli II – tvari i biljaka pod strogom kontrolom proglašen psihotropnom tvari i „MDMA“ koji je pod rednim brojem 12. na Listi psihotropni tvari u tabeli I – zabranjene tvari i biljke proglašen psihotropnom tvari, te je navedenog dana kod sebe u lijevoj ruci neovlašćeno radi prodaje držao jedan prozirni pvc paket na vrhu zavezan u čvor u kojem se nalazila opojna droga „Amfetamin speed“, neto mase 46,504 grama, a što su pronašli policijski službenici Policije Brčko distrikta BiH prilikom pretresa bez sudske naredbe lica koje se u tom momentu nalazilo u ulici ..., na parking prostoru trgovačkog centra „Belamionix“, u putničko motornom vozilu marke „VW Passat“, registarskih oznaka ..., dok je u ulici ..., u kući koju je koristio neovlašćeno radi prodaje držao jednu prozirnu pvc vrećicu u kojoj se nalazila opojna droga „Cannabis Sativa L“, neto mase 34,093 grama, jednu digitalnu vagu sive boje nepoznate marke sa tragovima opojne droge „Cannabis Sativa L“ i „Amfetamin speed“, jednu prozirnu pvc vrećicu u kojoj se nalazila opojna droga „Amfetamin speed“ neto mase 25,774 grama, jednu prozirnu pvc vrećicu u kojoj se nalazila opojna droga „Cannabis Sativa L“ neto mase 0,999 grama i pvc vrećicu sa logom lista marihuane u kojoj se nalazilo 19 komada cijelih tableta i jedna polovina tablete „MDMA“ tzv. „extasy“, a što su sve pronašli i privremeno oduzeli policijski službenici Policije Brčko distrikta BiH prilikom pretresa izvršenog po naredbi Osnovnog suda Brčko distrikta BiH od dana 23.02.2024. godine,

dakle, neovlašćeno radi prodaje držao supstance propisom proglašene opojnim drogama,

2. Dana 23.02.2024. godine, u Brčkom, u ulici ..., svjestan da je zabranjeno drugom davati opojnu drogu na uživanje i stavljati na raspolaganje prostorija radi uživanja opojne droge, što je i htio, A. G. dao i omogućio da u prostorijama kuće koju je koristio na navedenoj adresi, uživa opojnu drogu „Cannabis Sativa L“, tzv. „marihuanu“, koja je pod tačkom 13. na Listi opojnih droga u tabeli I - zabranjene tvari i biljke proglašena opojnom drogom i „Amfetamin speed“ koji je pod rednim brojem 1. na Listi psihotropnih tvari u tabeli II – tvari i biljake pod strogom kontrolom proglašen psihotropnom tvari,

dakle, dao opojnu drogu da je uživa lice i stavio na raspolaganje prostorije radi uživanja opojne droge,

čime je pod tačkom 1. učinio krivično djelo –Neovlašćena proizvodnja i stavljanje u promet opojnih droga– iz člana 232 stav (1) Krivičnog zakona Brčko distrikta BiH, a pod tačkom 2. učinio krivično djelo –Omogućavanje uživanja opojnih droga- iz člana 233 stav (1) Krivičnog zakona Brčko distrikta BiH.

[...]

Ovom objavom ne preudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
